



## **Universitätsbibliothek Paderborn**

### **Capitularia Regvm Francorvm**

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

XXX. Proclamatio Karoli Regis adversùs VVenilonem.

**urn:nbn:de:hbz:466:1-22974**

TITVLVS XXX.

Synodi Tullensis apud Saponarias.

*LIBELLVS PROCLAMATIONIS DOMNI KAROLI  
Regis adversus Venilonem Archiepscopum Senonum, electis judicibus Remi-  
gio Lugdunensem, Eirardo Turonorum, Veniloni Rothomagensium, & Ro-  
dulpho Biturigum Archiepscopis in sancta synodo duodecim provinciarum apud  
Tullensem parochiam, in suburbano ejusdem urbis quod dicitur Saponarias, pro-  
pria ipsius manu porrectus anno incarnationis dominice DCCCCLIX. indicit.  
VII. XVIII. Kal. Iulias.*

C A P. I.

**Q**VIA, sicut dicit sanctus Gregorius, & ex consuetudine oltana cognoscitur, in Francorum regno Reges ex genero prodeunt, mihi à Domino & genito remeo pia memoria Hludouico Augusto pars regni inter fratres meos Reges divina dispositione est tradita. In qua parte regni vacabat tunc pastore metropolis Senonum, quam juxta consuetudinem prædecessorum meorum Regum, Weniloni tunc Clerico meo in capella mea mihi servienti, qui more liberi Clerici se mihi commendaverat, & fidelitatem sacramento promiserat, confensu facrorum Episcoporum ipsius metropolis ad gubernandum commisi, & apud Episcopos, quantum ex me fuit, ut eum ibidem Archiepscopum ordinarent obtinuerent.

I I.

Post hanc de divisione regni inter me & fratres meos ratio est exorta notissima, unde partem divisionis cum mutuis, nostris feliciter nostrorumque fidelium sacramentis, sicut etiam primores regni totius invenierant, tenendam & gubernandam suscepisti. Quam divisionem inter me & fratres meos de cetero à me substantialiter tenendum, sicut & alij qui ibi adfuerunt Episcopi, Wenilo mibi fratribusque meis propria manu juravit: pacem etiam & mutuum adjutorium inter me & præfatum fratrem Hludouicum Wenilo sacramento firmavit.

I I I.

Sed & post hoc, electione sua aliorumque Episcoporum ac ceterorum fidelium regni nostri voluntate, consensu, & acclama-

Tom. II.

matione, cum aliis Archiepscopis & Episcopis Wenilo in diocesi sua, apud Aurelianis civitatem, in basilica sancte crucis, me secundum traditionem ecclesiasticam Regem consecravit, & in regni regimine christiane sacro perunxit, & diadema atque regni sceptro in regni solio sublimavit. A qua consecratione vel regni sublimitate supplantari vel projici à nullo debueram, saltem sine auditentia & judicio Episcoporum quorum ministerio in Regem sum consecratus, & qui throni Dei sunt dicti, in quibus Deus sedet, & per quos sua decernit judicia; quorum paternis correptionibus & castigatoris judicis me subdere fui paratus, & in praesenti sum subditus.

I V.

Denique cum seditiones in regno nostro per homines irreverentes cœperunt crebescere, consensu Episcoporum ac ceterorum fidelium nostrorum chirographum invicem conscripsimus, qualiter ego erga eos cooperante Domino agere vellem, & qualiter mihi consilio & auxilio iudicem fideles nostri ab inde postmodum solatium ferre debuissent. Cui scripto Wenilo apud Baiernam villam propria manu subscrispuit, sicut in praesenti videre potestis.

V.

Deinde cum contra paganos ad insulam loci qui Ocellus dicitur cum fidelibus nostris & terreno itinere ac navigio, sicut scitis, perrexii, quidam à nobis deficients fuga lapsi sunt. Wenilo autem se pro infirmitate sua illuc ire non posse dicens, ad sedem suam reversus est. Dum autem in procinctu eo nos infirmi degeneremus, frater noster Hludouicus, sicut scitis, cum

Iij

manu hostili & seditionis hominibus ex regno suo regnum nostrum irrupit. Ad cuius colloquium fine mea voluntate atque licentia W'enilo venit, quem supplantatorem meum esse cognovi. quod nemo Episcoporum ex regno nostro alius fecit.

## VI.

De cetero, cum contra prædictum fratre meum & inimicos meos ac vastatores Ecclesie & depopulatores regni qui cum illo erant, cum fidelibus Dei ac nostris perrexerunt, nec per se ipsum nec per debitum solatum quod antecessores mei Reges & ego ipse ex Ecclesia illi commissa habere solitus eram, aliquid adjutorij praebuit, praetertim cum hoc devotè ab illo petierim.

## VII.

Cum autem ratio & necessitas mihi accidit, de villa Breona ut à prædicto fratre meo secederem, & ipse frater meus Hludouicus ad hoc rediit in partem regni mei ut mihi meum nepotem subriperet & homines meos mihi subtraheret ac fideles meos vastanter imprimaret, W'enilo cum quo potuit solatio ad prædictum fratrem meum Hludouicum in meam contrariatem venit, cum quo erant excommunicati istius regni & seditionis, de quorum excommunicatione coëpiscoporum suorum litteras accepit, & Missas publicas fratri meo, cum quo ipsi seditionis erant, in palatio meo Attimaco & parrochia & provincia alterius Archiepiscopi fidelis nostri sine sua licentia ac coëpiscoporum consensu W'enilo excommunicatis vel excommunicatorum participibus celebravit. Et in eo concilio atque consilio fuit quo nepos meus Hlotharius per mendacia, quantum ex seductoribus suis, subripereatur, & debitum ac sacramento promissum solatum atque adjutorium ex illo mihi subtraheret.

## VIII.

Prædictis nihilominus fratraris mei consiliariis & publicis ac secretis traictatus W'enilo cum specialibus familiaribus & inter priores ejus familiariter cum episcopali judicio, ut diximus, excommunicatis & judicio regni dijudicatis interfuit, quatenus partem regni quam idem frater meus & W'enilo mihi juraverant, & in qua W'enilo me Regem sacraverat, sepefatus frater meus obtineret, & ego illam perderem.

## IX.

W'enilo in eo consilio & traictatu fuit ut

Episcopi qui mihi fidei promissæ debitores erant, & consilium atque auxilium manu propria confirmatum ferre debuerant, deficerent & ad fratriss mei Hludouici obsequium & subditionem se verterent.

## X.

De abbatis sanctæ Columbae & rebus vel honoribus regni mei apud Hludouicum fratrem meum præceptum obtinuit, & litteras ad Missos, quod eandem abbati revocarent, Echardum & Theodoricum impetravit. Sed in eisdem litteris ad præfatos Missos iussionem fratriss mei Hludouici W'enilo obtinuit ut de muro castelli Meloduni, quod jus regiae est potestatis, petras haberent licentiam prendre. Vnde conflat quod in plebe istius regni mihi à Deo collati cum studebat colere & satagabat tenere.

## XI.

W'enilo in eo consilio & traictatu cum præfatis excommunicatis fuit ubi confidatrum est quatenus illi homines qui mihi fideles erant, & mihi sacramento fidelitatem promiserant, sive nolentes sive volentes fratri meo Hludouivico jurarent ut ei adjutorium ferrent qualiter regnum meum contra me obtinere potuissent. Et non solum consilio W'enilo interfuit, sed & ipse hoc idem consilium fratri meo Hludouivico contra meam fidelitatem, quam mihi promisit sacramento, donavit.

## XII.

W'enilo per se & per familiares suos, supradictos scilicet excommunicatos, apud fratrem meum Hludouivicum obtinuit ut vacans episcopatus Bajocacensis scilicet civitatis propinquuo suo Clerico meo nomine Tortollo, qui mihi se commendavat, & fidelitatem sacramento promisit, donaretur, qui eundem episcopatum in mea infidelitate & contra fidelitatem mihi pro missam consensu Hludouici fratriss mei accepit.

## XIII.

Tandem postquam mihi Deus vires recuperandi mei per solatum fidelium meorum contra fratrem meum donavit, per rex propriè civitate W'enilonis, qui me contra fratrem meum ad recuperandum regnum meum pergere scivit, & nullum adjutorium vel per se, promisso ac subscripto consilio, vel per militiam, quæ ex Ecclesia sibi commissa solet exire, adjutorium aliquod præstitit.